

水鏡新書

水鏡新書

莆田彭聖壇興壇氏著

青虛君封烏騅赤兔詔

詔曰。夫臨節而忍其生。臣變為辱。事人則報以死。馬
激成志。是知英稱大夫。漫道楚莊。過愛門謝賓客。非
關趙固。溺情。爾烏騅馬。流電爭光。浮雲連影。少隨西
楚。歷聘中原。身經七二之戰。首推百萬之鋒。迨笛鳴
雲霄。聲淒塞曲。士皆衆閑。起視帳內無人。王嘆安歸。
還顧棧邊有爾。圍衝垓下。渡走烏江。憤天命之將亡。

哀馬力之既竭。故人逐我。應知盡為漢王。老馬辭君。
羞云。賜興亭長。江頭一躍。不數島中。浪裡三嘶。依稀
海上。朕嘉爾節。錫命爾為忠武將軍。爾赤兔馬。價匹
龍媒。聲齊驥子。先失身於呂布。未逢明君。既拜賜于
曹公。幸依義士。見大兄之面。走馳道上一千。探上將
之頭。騁入軍中百萬。迨麥城歸遁。絡索執紼。維傷哉閔
侯。頭行魏國。嗟爾赤兔。身寄吳邦。芳草萋萋。鳴咽嘶
風。非為此香。三棧棧。涕零如雨。恨云何。耻為潘家之
奴。曾食漢粟。竊數墨胎之餓。但死荒郊。朕嘉爾節。錫

命爾為義勇將軍。嗚呼。重瞳尚存。項伯身已入漢。美
髯未死。孟達心向在吳。人間空養邪臣。發蒙振落。天
上特封烈馬。表影樹聲。或汗奸回之顏。少作忠義之
氣。

西山吊夷齊文

自君之死也。薇亦作止。茫茫宇宙。食肉食穀。食薇其
誰耶。

南山逐四皓榜文

告爾四老。爾之登斯山也。本山與爾盟曰。埋爾姓。滅

爾名。毋使樵夫牧豎。或一識爾。爾乃飾爾之名。鉤人之金。輸人之子。挾人之父。斯山既不可復登。

漢酈食其祭韓信文

維漢十一年。淮侯韓君斬于長樂鐘室。陳留狂生酈
食其鼎中。聞之。祭以文曰。嗚呼。君今日之至是耶。方
君度平原時。其泣鼎中。而君王齊國。孰意倏而楚。倏
而淮陰。又倏而長樂鐘室耶。嗚呼。陳留狂生。自此鼎
中絕泣。

漢劉伯謝高帝表

聞季貴稱天子。伯賤宜稱臣。臣上言曰表。天子有賜
曰謝表。臣伯謹作表謝天子曰。天子賜臣子信為侯。
信進侯臣。侯名美頴。臣少習農。又早卒。未識美頴為
何義。意者天子貴。分臣一杯羹耳。

漢劉快劉崇彈孔光文

西漢宗臣南鄉侯快。安衆侯崇。稽首。臣聞堂惡者誅。
兆亂者族。生前之罪既討。身後之律宜嚴。臣按死丞
相孔光。狐狸成性。蛇虺為行。苗伏車前。聞道侍中。過
我。剗推朝列。謬稱司馬。傳家。遂使官監勢傾。人盡學。

拜。以茲后族權震。國幾云亡。迹彼奸回。久應誅戮。臣
按賊臣王莽之亂。內禍肇于新室。外禍起于孔光。蓋
相臣攸司。為社稷重寄。治制未亂。凜如松柏之操。惡
懲將萌。朗似鏡犀之照。昔者東居負扆。二叔缺斨。西
入載車。穰侯移座。彼誠義大親滅。故草不憂蔓。此則
交淺言深。殆尾無患掉。今孔光為相。王氏播權。不能
杜漸防微。反復羽奸翼德。初登司馬之位。門則進狼。
旋加漢公之封。桺乃出兇。以新易漢。反劉為王。雖王
莽藏跋扈之心。寔孔光為兆亂之始。臣聞舉非善類。

法連及乎兩觀。况復釀成禍階。罪宜加于一等。臣身
為宗室。位廁列侯。耻王莽之不臣。憤孔光之悞主。各
即討賊。雙起義師。當臣揭竿之時。已先拱木之日。軍
中令士。令曰。生獻王莽頭。城下誓師。誓云。直掘孔光
墓。志欲大而才短。兵未樹而身亡。淚灑問天。血藏入
地。幸聖明在御。漢家重光。王莽之軀。已碎闕下。孔光
之首。尚保穴中。是使後代奸談。一壞足蓋。幾嘆盛朝
法紀。三尺或遺。臣謹列彼罪端。上陳睿覽。近快朱雲
之劍。攀檻大呼。遠壯伍員之鞭。鑿棺痛罵。伏乞陛下

追亂之倡。定罪之魁。震雷電之方新。誅魑魅之既死。
勅有司陳尸而斬。命國史附叛以書。庶忠義未沈之
魂。鼓掌地下。而奸邪已灰之骨。抱泣重泉。

魏曹髦祭司馬業文

維建興四年。晉主司馬業又誅平陽。乃望平陽之墟。
為文以哭之曰。嗚呼哀哉。哭爾者誰。即爾曾祖昭所
弑魏帝髦也。嗚呼哀哉。爾曾祖昭之弑吾也。在甘露
之三年。爾祖炎之篡帝奐也。在咸熙之二年。又二十
五年。爾伯父衷立。其間婦弑姑。母殺子。叔滅侄。弟誅

兄臣醜君。紛然起矣。又十七年。爾叔父熾立。六年。劉
聰執之。又四年。爾又見執。為公。為侯。為車騎將軍。為
執戟前導。為洗爵。為行酒。為更衣執蓋。其於死也。為
引及。嗚呼哀哉。屈指甘露至建興。相距未六十年。而
天道循環。報施抑何速耶。嗚呼哀哉。祖宗之為後人
謀。固若是乎。思吾曾祖武帝。吾祖文帝。反劉為魏。爾
高祖懿與其謀。甫及四傳。而奪魏氏者。竟出自爾曾
伯祖師曾祖昭。今爾亦四傳。而變辱其主。兩誅於漢。
嗚呼。禍福倚伏。有所由來矣。吾曾祖之以文章辟懿也。

已為滅魏之兆。吾曹祖之收匈奴內附也。已為亂晉之階。而亂晉之階早于魏。蒼蒼者天。固遠而難測耶。天乎天乎。何困前人之神智。使竭力而謀之。又復伏後人之禍機。使剝膚而受之人。悲夫子孫之羞祖宗。不知祖宗之重累孫子也。嗚呼哀哉。吾與爾同痛也。空中自哭。繼哭爾也。嗚呼。未知爾之哭復何人耶。

隋楊文帝復立太子勇冊

皇帝若曰。嗚呼。初建元子。遂採同室之戈。一易副君。旋構寢園之怨。登西臺兮不及。悔追生前。望東苑兮。

自深。思經死後。咨爾舊東宮。勇學貫古今。性成仁孝。青宮之儲久矣。人望攸歸。金匱之藏。翳惟帝圖永賴。奈遭家不造。際國多凶。虎視眈眈。廣也謀爾。鷹羽翼素。今輔渠。結外臣為要譽之階。媚中宮為進身之地。嗣君變置。羣小易以樹恩。幼子嬌痴。婦人偏多積愛。而爾寡交興謗。坦率招尤。寵或有分。重違慈母之意。儀多未飾。益售逆弟之奸。遂使內外根牢。以茲嗣儲。驚起雖朕之過。實爾之疏。朕昔宴后于宮。召素入侍。素曰。太子幾殺帝。避席倉皇后云。此兒久無君。撫杯鳴。

咽。明傷則哲。怒爾承嗣。不堪信復中疑。令我侍臣密伺。而金能使鬼。勢可燎人。或報養士城中。刻將稱帝。或傳藏甲壁裡。時即圍宮。衆口從同。后志先定。謂有廢始可弭禍。而再立乃能圖興。朕以勢既動搖。義難中阻。用冊廣為太子。削爾為庶人。嗚呼。詎十八年青宮。一錮西內。廿四載皇烈。已付東流。思之神傷。言之涕下。聞爾被收之日。就禁之時。板木以號。腸斷巫峽。倚牆而哭。聲倒秦庭。厥節惟貞。其志良苦。使朕有千秋之訴。當爾無三年之幽。乃雲日久迷。福狂稱病。而

地天隔絕。莫見莫聞。爾寔隱傷。朕豈無痛。及朕彌留。
不豫。而廣陰謀。益彰。維牆有茨。不可掃也。縱山罄竹。
何能書乎。呼楊素於榻前。方恨誤我。宣元若于禁內。
立敕召兒弗。密其機。反中伊禍。思食熊之未熟。弑者
為誰。乘虛舟之杳如。殺則由彼。夜臺見爾。不盡死者
之悲。地下侍予。言念來者之樂。朕用復冊爾為太子。
嗚呼。宇宙有或隕之日。天下無不是之父母。知爾仁
孝。無我怨尤。欲瞻岵岵之歡。請自今始。亦屬毛義之
愛。遂為如初。

漢姜維絕鍾會榜文

告爾鍾會。吾繼諸葛為漢相。義不可與賊交。昔在劍閣而交爾者。將效范蠡滅吳之志。權也。今志既不遂。爾亦同死。漢賊之義。毋隔死生。榜示爾知。勿輕見面。

漢張良責辟疆書

他姓不為王。先帝所制。汝乃勸王呂氏。汝罪過追思。先帝興汝父創業艱難。而后即背帝。汝復背吾。言之。嘆恨。聞王丞相與爾廷爭。漢朝大義。獨丞相耳。丞相不負世笑。天方授漢。縱諸呂盡王。豈能現覩萬一使。

婦人豎子之名。雙譏千古。吾奈爾汝何。

西楚霸王斬項伯報判

逆臣伯背親為敵。生不與丁公同誅。死宜正法。今在
以鴻門劍斬報。

西楚霸王復狄仁傑書

西楚霸王項復周湖州安撫大使狄生書。嗚呼狄生。
吾生秦時。胡亥亂紀。興江東。勇冠天下。天下服吾勇。
咸屬吾時。劉季亦聚沛數百人。依吾少資吾力。懷二
心叛吾。吾召之鴻門。范增勸吾殺之。吾不忍舍之。後

吾滅秦。尊懷王為義帝。吾自立為西楚霸王。分王天下。有功諸侯。念劉季依吾久。有微功。亦王于蜀。不思吾恩。復叛吾。吾繫其父母。置俎上。將烹之。念其老。不忍舍之。且不忍劉季負不孝名。歸之。又忘吾大德。陰圖吾。離吾布。越取吾成卒。圍吾垓下。楚歌唱。士卒潰。起視從騎。獨愛將周蘭一人。圍深。吾保愛姬奮勇當先。衝圍而出。周蘭死于兵。圍益深。吾與愛姬永訣。掩袖斬之。單騎走烏江。憤天亡吾。拔劍自刎。浩氣歸太虛。愛姬愛將。精情感聚。湖人思吾勇。立廟祀吾。嗟乎。